

7.
57
Ein schön new Lied!

Von dem Reichen man/vnd armen
Lazaro. Luce am sechzehenden.
Vnd ist in des Nachtigal
senfften thon.



58

AD BIBL
UNIVERS
MONAC



O Mensch sich an die liebe do
Die Christus an vns leye
Für vnser sünde lidt also

Gab vns die seligkeyt

Auß der liebe sein wir erlöst all.

Wo die lieb im menschen nit stae

Da ist kein glaube nit

Die lieb kumbt vom glauben drat

Got ist die liebe damit

Was der mensch thüt zu wol gefall.

Dem armen hiē dem nechsten dein

Das geschicht auß der güt

Die entspringt auß dem glauben sein

Wo nit ist diß gemüt

Da kein lieb noch glaub ist

Wie im Reichen man was

Wie man im Euangeli list

Schreybt Lucas in der mas

Am Sechzehenden höret mit schall.

G Es was ein reicher man also

Der kleydet sich so fein

In purpur Kleyd in leinwat fro
 Gar löstlich do allein
 Vnd lebet wol zü aller zeyt.

Er aß scheynbarlich alle tag
 Es was ein armer man
 Hieß Lazarus mit seiner klag
 Lag für der thür gethan
 Mit gschwoeren groß wie die schrifft seyt.

Begeret da das almüsen drat
 Durch Gottes wil zühandt
 Wardt jm verseyt an diser stat
 Kein barmung wardt benant
 Dann die hund des Reichen lieffen zü
 Leckten jm sein geschwer
 Sein schmerz was groß in der umhü
 Das betrübet in seer
 Bis Got sandt sein barmhertzigkeyt.

Es gab sich zü der selben zeyt
 Der arme starb allein
 In der armüt seiner kranckheyt
 Kamen die Engel rein

Särten sein seel mit freuden fro.

In die schoß Abraham hin

Da starb auch der Reich man

Da sár sein seel in die hell in

Grosse peiner gewan

In der helle qual wardt also.

Do er in solcher quale wardt

Thet auff sein augen zam

Sach Lazarum zú diser fart

In der schoß Abraham

Vnd sprach vater Abraham her

Ich bitte dich in der güt

Du wöllest das Lazarus er

Sein eusser finger thüt

Tuncken in ein wasser also.

G Vnd mir mein zung erkül do

Wann ich leyd grosse pein

Von der helle flammen also

Do sprach Abraham sein

Sun gedencf du hast deine tag.

Entpfangen vil güt auff der erde

Aber Lazarus hat
 Entpfangen armüt also herē
 Darumb andiser stat
 Getröstet wirdt on alle klag.

Aber du müßt leyden vnd not
 Nun vber alles ist
 Zwischen vns vnd dir also die
 Ein grosse klufft das wist
 Das wir zu dir kumen nit dar
 Vnd ir her zu vns nit
 Er sprach vater ich bitt dich gar
 Du wöllest schaffen mit
 Ein todten im hauf er ansach.

¶ Ich hab noch fünff brüder zu handē
 Das sie nit kummen her
 In dise quel der helle brandē
 Es wer meiner pein mer
 Darumb schicke zu inen dar.

Abraham sprach sie haben do
 Mose die Propheten
 Die hören sie das wort also

Das sie von sünden steen
 Vnd halten die lieb Gottes klar.
 Nein Abraham so einer keim
 Von todten saget an
 Von diser peyn das alles vernem
 Sie wurden büß da than
 Abraham sprach hören sie nit
 Mose Propheten schrifft
 Glauben sie es nit damit
 Was die schrifft da an trifft
 So glauben sie keim todten gar.

Gedrückt durch Hans
 Guldenmundt.

Das ist von dem heiligen
 Johannes die lieb Wocche ist
 Item Johannes so einer sein
 Von eodem sagt er
 Von dieser heiligen alle vermens
 Sie werden das ist
 Johannes sprach so er sie
 Diese Johannes sprach
 Johannes so er sie sprach
 Das ist die heilige
 So gedenke die heilige

Johannes sprach
 Johannes sprach